


書名 刑名條例不分卷 (刑名條例) 乾隆四十六年刊本
 撰者 清 同德、李治運 同輯
 卷 冊三
 內容分類 史-政書-法令-刑案
 索書號 大木-法類-例案-7
 編號 B3851000



[彩色首頁1](#)
[彩色首頁2](#)

[東洋文化研究所漢籍目錄 編號: B3851000](#)
[東洋文化研究所漢籍目錄所藏漢籍善本文影像資料庫 索書號: 大木-法類-例案-7](#)
[漢籍善本文影像資料庫文本刑名條例不分卷 \(刑名條例\) 乾隆四十六年刊本](#)
 版權所有: [東京大學](#) [東洋文化研究所](#)
[使用上的注意事項](#)

名
 隆四十四年刑名條例目錄

歲并十五歲以下幼童致斃人命非死者長于本犯四
 歲以上不得援照例案雙請

擬五軍及總徒准徒各案均于擬罪處聲明杖一百折

發落字樣

失察私鹽過境分別大夥小夥酌定處分 私梟拒

限內自行拿獲過半分別大夥小夥酌定處分 承


人犯例應降職降俸之案如被鄰境盤獲分別酌減

乾隆四十四年

刑名條例
四十五年分
下



刑部
刑部爲通行事浙江司案呈准山西司傳抄前事一案相
應抄單行文浙撫轉行杭州將軍乍浦副都統飭屬一體
遵照可也計粘單一紙據山西巡撫喀 咨稱竊奉定例
嗣後凡秋審情實人犯遇有病故州縣官立時詳報該督
撫於接到詳文之日先行題報總不得過十日之限其派
管道府據報一面速派鄰近之員前往驗訊明確詳
請咨部總以一月爲限



各廳州縣有離省遠者遇秋審情實人犯在監病故令
管獄官立即通詳該督撫于接文之日先行題報該
官道府據報一面速派鄰近之員前往驗訊明確詳
請咨部總以一月爲限

刑部 乾隆四十五年

斷獄

刑部

員相驗及研訊禁卒人等有無凌虐情弊等項除去程限日期總以一月爲限具文報部如有逾違及查取職名交部議處等因遵照在案遵查晉省奉例迄今尚未遇有詳報情實人犯病故之案未查往例辦理監斃人犯無論立決情實監候俱係逐案單題嗣於乾隆二十年奉部頒發酌歸簡易條款內開立決重犯及侵貪官犯監追限內病故并秋審情實奉

旨勾決尚未典刑監斃在獄者仍令案題請其監候人犯病故應隨時咨部仍於秋審本內彙題又於乾隆四十三年奉部議覆情實人犯病故一體知照都察院大理寺衙門存案各等因遵奉在案歷年晉省辦理秋審情實人犯在監病故之案因不在已經奉

旨勾決尚未典刑期內俱未經案題請向係據所屬詳報病故并訊禁卒人等有無凌虐情弊等項到日隨時咨部仍於秋審案內彙題今奉定例秋審情實人犯遇有病故州縣官立即詳報該督撫于接文之日先行題報總不得過十日之限其派員相驗及研訊禁卒人等有無凌虐情弊等項除去程限日期總以一月爲限具文報部如有逾違

條例

刑部 乾隆四十五年

斷獄

卽查取職名交部議處等語固屬速清讞牘不致稽延之意伏查通省有獄各廳州縣俱有秋審人犯其情實監繫者在所必有現奉新例情實人犯遇有病故自應遵奉派員相驗期於迅速但晉省各廳州縣有離省往返千餘里及二千餘里遇有情實人犯病故由省派委該州縣鄰近之員前往相驗雖准扣除程限而情實人犯倘監繫在盛署期內該州縣具文詳報到省由省派員相驗文移往返勢必耽延時日屍身不能保無腐爛特恐奉派之員難以如法確檢必致草率從事轉恐有名無實再查定例已經

審題未奉覆文之立決重犯及侵貪官犯監者限內病故俱係案題請並不派員相驗所有秋審情實人犯與候文立決重犯罪名無所區別其在監病故可否照立決重犯病故之例令該縣州立即相驗并研訊禁卒人等有無凌虐情弊等項詳報到省隨時核題并分咨院寺知照不得遲逾十日定限如有逾違卽查取遲延職名隨詳附叅交部議處而大部亦得具文早爲查辦案可速結以較一月之限更爲迅速他省事同一輒是是否可行相應咨部示覆祇遵等因前來查乾隆四十四年十月奏准秋審情實

條例

刑部 乾隆四十五年

斷獄

人犯病故州縣官立時詳報該督撫於接到詳文之日先行題報總不得過十日之限新例因四川情實重犯劉經住病故遲至四月有餘始行題達欽遵

諭旨酌議原屬速清讞牘不致稽遲之意其派員相驗原為擴清積弊嚴禁獄卒人等凌虐重囚本官庇護起見至各廳州縣之離省近者由該督撫派員相驗離省遠者自有就近之該管道府可以派驗本無指定由省派員之語今據稱有離省往返千餘里及二千餘里者遇有情實人犯病故若必俟該州縣詳報到省由省派員前往相驗耽延

時日屍身不能保無腐爛難以如法確檢等語應令嗣後各廳州縣有離省遠者遇秋審情寔人犯在監病故令管獄官立即通詳該督撫于接文之日一面先行題報該管道府據報一面速派鄰近之員前往驗訊明確詳請咨部總以一月為限如有逾違仍照原奏查取職名交部議處庶案可速結而於定例亦自無碍相應通行各省督撫一體飭屬遵照辦理可也乾隆四十五年十月初八日浙省准咨

聖明洞鑒至成招到部所擬罪名或有出入部臣就案核覆其中偶有錯誤或供勘不符駁令督撫另行妥議部臣止查取原審官及各該上司職名分別議處究無由深悉何衙門錯悞也即如東省濟南府知府呂爾昌辦理裴志剛與宋氏通姦一案經部議駁並查取職名叅處雖據撫臣奏明自行引咎而承審原官終屬錯悞難以分別寬免此其明驗也伏思草率成招固在上司之察核而援引錯謬應有先後之區分應請嗣後府州縣解審案件如有限期本實情罪尚須斟酌者仍應據實駁審以期毫無枉縱遇案

已頂限而情罪間有舛錯不及駁審之案各該督撫于改定後即將辦理錯悞之臬司府州縣附疏聲明聽候部臣察核如府州縣擬議已協上司別存意見更改失當即將該上司照例處分若實係原審之府州縣擬議錯悞上司更改允當者即將府州縣隨本附叅如此責有攸歸庶承審官各顧處分于刑讞更加詳慎矣一各府州縣坐省家人名目宜嚴行革除以杜流弊也查府州縣距省寫遠往往于長隨內派撥一人長住省城名曰坐省此輩住居省會專以交通各衙門書役探聽上司消息為事或藉上司

條例

刑部 乾隆四十五年

斷獄

有喜慶等事卽聳本官購備禮物以期開銷或遇工程而
 勾串經書勒索使費或因解項而赴庫包納或遇案件而
 探信妄傳甚或府州縣有應解領之項竟有印備空白批
 領交給該坐省家人聽其填寫因而有投掛空批而壓不
 上庫者有私自領出以多報少者任其侵挪掩飾弊竇多
 端該家人又復包攬數處輾轉攀援且往往以省中傳聞
 影響之詞密爲寄信在府州縣以省垣聲息藉此可通各
 處衙門熟識爲便不知暗受其害而夤緣獻贈之風由茲
 而起臣現在時刻防察雖無敗露者然若輩盤踞省垣必

滋流弊于吏治閔防大有所繫從前久經例禁無如各省
 積習相沿未能裁抑應請再爲申明嗣後將坐省長隨盡
 行禁革并飭省城地方官不時查察實力驅逐如有暗中
 潛匿仍前任用此輩者卽將各官指叅不得徇隱如此則
 招搖交結之習漸可杜絕而吏治官方亦自見其肅清矣
 等因乾隆四十五年八月初二日奉
 硃批該部議奏欽此欽遵于本月初八日抄出到部查奏稱題

達案件改擬罪名應隨本聲明以專責成查命盜案件例
 應州縣承審由府司核轉申詳督撫察核分別咨題達部

條例

刑部 乾隆四十五年

斷獄

刑部就案查核或有錯悞駁令改正例卽查取原審州縣各官議處但原審官擬罪未協有經上司駁回另擬者有經由上司改正達部者向來並未將何員原擬何罪錯誤之處隨招聲明殊非核實之道今該署司奏稱題達案件上司改擬罪名卽將何員原擬錯悞隨本聲明以期分別責成誠如

聖諭尚屬可行臣等悉心酌議應請嗣後州縣承審案件除實係審擬草率情節錯悞以致失出入經上司平反得實者應仍照舊例聽該上司卽行叅處外其有州縣定擬詳

報經由各上司改定或駁回另擬者卽于咨題文內據實聲明俟刑部核定後若實係原審官錯悞卽將原審州縣官照部駁改正原例按罪名輕重分別降調罰俸如原擬本無錯悞上司別存意見更改失當經部駁正將該上司卽照此例議處原審官應予免議又奏稱各府州縣坐省家人名目宜嚴行革除以杜流弊查各省府州縣官坐省坐府聽差悉行革去久著定例倘陽奉陰違別經發覺本官議以降一級留任上司罰俸六個月是坐省家人名目未除非定例之不周實奉行之不力今欽奉

條例

刑部 乾隆四十五年

四

斷獄

諭旨以該署臬司所奏各府州縣坐省家人必當嚴行查禁
 等酌議應再通行各督撫實力奉行嗣後如仍有坐省坐
 府家人聽差名目別經發覺將本官從重議以降一級調
 用不准抵銷上司不嚴行禁革卽降一級留任如或有藉
 端餽送串通包納探信侵挪等弊發覺者再行從重叅處
 至各省有無此等坐省家人名目應令各該督撫于年終
 彙奏送部查核等因乾隆四十五年九月二十三日奉
 旨依議欽此等因于乾隆四十五年十一月十一日浙省卷

上司交首縣中軍購買物件短發價值及屬員短領價值逢

迎餽送處分

吏部為請定等事會議得內閣抄出四川總督文 奏稱

竊臣欽奉

上諭飭令各督撫將李侍堯貪縱營私各款一案和珅照例援
 擬斬候及大學士九卿從重改擬斬決之處酌理準情各抒
 已見定擬具題至督撫衙門原有設立買辦今多有交首縣
 中軍買辦之事究以如何辦理方可不致滋弊並著一并據
 實具奏等因欽此除將李侍堯罪名酌擬斬決遵

條例

刑部 乾隆四十五年

受賍

旨另疏具題外至督撫養廉豐厚所需物件本應自行平價購
買臣歷任以來從不令屬員買備物件且各衙門購買物
件原俱設有買辦卽係該衙門差役充當督撫衙門關防
更嚴家人長隨不特不准出署且與舖家行戶買賣人等
俱無從謀面領價買物惟有買辦經手其所領價值是否
照數現給有無扣尅短欠之處則係中軍首縣在外稽查
以防侵沒實無短發價值及竟不發價并交首縣中軍買
辦等事查購買物件若合屬員承辦卽使照價發給亦易
起短領繳回逢迎餽送之漸惟不令經手則諸弊自無由

而生應將督撫等上司衙門交首縣中軍屬員買辦物件
之處嚴定處分永行禁止以杜弊竇而謹官箴謹奏奉
硃批該部知道欽此又據廣西巡撫姚 奏稱伏查各衙門設
有買辦按值給價在小民既不致抑勒抱怨而首縣亦無
從藉詞賠累請將交首縣中軍買辦之處嚴定處分等因
具奏奉

硃批該部知道欽此到部查各省督撫等衙門于需買物件自
應先期發給價值交承充買辦之人公平買送不容私毫
扣尅短欠至首縣中軍均係督撫等屬員有稽查弊竇之

條例

刑部 乾隆四十五年

受賍

交
責若令經手購買易啟短發繳回逢迎餽送之漸今雖據
各督撫等陸續奏到俱交買辦經手並無令首縣中軍買
辦之事但首縣中軍與督撫同城親切若不嚴定處分恐
日久易于滋弊臣等酌議應如該督等所請嗣後各省督
撫等倘有不遵

功令交首縣中軍購買物件卽將督撫等照違
制杖一百私罪律革職首縣中軍照溺職例革職其有勒令
屬員買送物件及短發價值或屬員亦藉此短領價值逢
迎餽送應俱請

旨革職治罪再此外各省將軍提鎮都統副都統藩臬兩司以
下文武各員均事同一例如有交所屬員弁買辦物件者
亦照此例辦理如此嚴定處分庶上下各知炯戒于吏
治實有裨益恭候

命下臣部通行直省各督撫府尹等一體遵照并入例冊永遠
遵行等因于乾隆四十五年九月初五日浙省准咨

欽此該部議奏欽此本部會看得據前任廣西巡撫李

緣葛精怪黃娜養葛應科均住居柳城歐陽村與馬平縣

疆界相連各犯貧不安分乾隆三十九年葛精怪因不聽

約束經伊父葛其邦驅逐在外是年九月初台葛精怪赴

刑部為通行事浙江司案呈准廣西司傳抄內閣抄出前

任廣西巡撫李 奏柳城縣民葛精怪糾夥肆竊牛馬羊

隻勒贖分賠審擬治罪一摺乾隆四十四年十二月二十

六日奉

竊盜 窩贓 勒贖 從重 問擬

刑部為 通行事 浙江司案呈 准廣西司傳抄 內閣抄出 前

任廣西 巡撫李 奏柳城縣 民葛精怪 糾夥肆 竊牛馬 羊

隻勒贖 分賠審 擬治罪 一摺 乾隆 四十四 年十二 月二十

六日奉

硃批該部議奏欽此本部會看得據前任廣西巡撫李 奏稱

緣葛精怪黃娜養葛應科均住居柳城歐陽村與馬平縣

疆界相連各犯貧不安分乾隆三十九年葛精怪因不聽

條例

刑部 乾隆四十五年

賊盜

馬平縣小村伊表兄何自信家偷牽水牯牛一隻事主追著捏稱收留走失勒贖錢三千文與沈祖應合夥賣糶至四十二年底葛精怪將本錢花完與沈祖應折夥仍住在沈祖應家沈祖應知葛精怪行竊為匪因貪圖飲食容留不報四十三年正月葛精怪與黃娜養葛應科相遇共道窮苦難以度日葛精怪告以從前偷牛勒贖不怕人告糾約入夥黃娜養葛應科應允正月十七日葛精怪黃娜養葛應科在柳城縣大七村嶺上牽廖妹田黃姆牛一隻為黃錫珠窺破商同趕往東泉圩賣與不知姓名人得錢三

千六百文葛精怪黃娜養葛應科黃錫珠四人均分正月二十日葛精怪黃娜養葛應科在柳城縣山腳村趕周朝慶牧放羊八隻事主央秦尚積向贖得錢一千二百文葛精怪黃娜養葛應科三人均分三月十七日葛精怪黃娜養在馬平縣盤龍村嶺上牽梁思忠沙姆牛一隻事主央葛錦向贖得錢一千二百文葛精怪黃娜養二人均分八月初三日葛精怪黃娜養在馬平縣小村趕何自信牧放羊四隻何自信托葛應科查知向贖因無錢耽擱數日葛精怪等旋即宰食一隻餘剩羊三隻賣與不知姓名人得

錢一千二百文葛精怪黃娜養二人均分九月初六日葛精怪黃娜養在馬平縣秦拱村牽張文德黃花驢馬一匹事主央姚英士訪查姚英士又轉托葛應彩向贖講定錢五千文葛精怪黃娜養共得錢三千文葛應彩得錢二千文九月初八日葛精怪黃娜養在馬平縣冷水村牽韋神賢黃姆牛一隻事主姚應賢向贖講定錢一千八百文葛精怪黃娜養共得錢一千五百文姚應賢得錢三百文十月初一日葛精怪黃娜養在馬平縣白露村牽秦有進沙牯牛一隻事主央龍登任向贖葛精怪索錢五千文秦有

進止肯出錢四千文葛精怪卽令葛應利拉去賣與不知姓名人得錢四千文葛應科分錢一千文餘錢三千文葛精怪黃娜養二人均分十月十五日葛精怪黃娜養在馬平縣盤龍村牽梁選沙姆牛一隻經事主姬壻葛錦查知向贖得錢一千二百文葛精怪黃娜養二人均分十月十八日葛精怪黃娜養在馬平縣小村牽何自信沙姆牛一隻事主央葛應鉅向贖講定錢一千二百文葛精怪黃娜養共得錢一千文葛應鉅得錢二百文十一月十五日葛精怪黃娜養在馬平縣雲頭村牽梁卯已故女壻趙供沙

牯牛一隻事主央葛應彩向贖講定錢二千四百文葛精怪黃娜養共得錢一千九百文葛應彩得錢五百文十一月二十八日葛精怪黃娜養在馬平縣牽何宏章水牯牛一隻事主央姚英士向贖講定錢六百文葛精怪黃娜養共得錢四百文姚英士得錢二百文十二月初五日葛精怪黃娜養在柳城縣葛村牽謝世澤水牯牛一隻同黃錫珠牽赴馬平縣賣與歐世義議定錢五千二百文先交四千二百文謝世澤查知趕至歐世義家葛精怪當即潛逃歐世義因已失錢四千二百文不肯還牛旋因餓斃剥賣

謝世澤報經前署柳城縣舒令有案葛精怪所得錢四千二百文葛應彩分錢一千文葛應科又轉給姚應賢錢六百文餘錢三千二百文葛精怪黃娜養黃錫珠三人均分十二月十五日葛精怪黃娜養在柳城縣金塘村牽唐神王黑沙牯牛一隻事主央姚英士向贖講定錢二千四百文葛精怪黃娜養共得錢一千六百文姚英士得錢八百文十二月十七日葛精怪黃娜養在馬平縣盤龍村牽梁奇章沙牯牛一隻事主央葛應彩向贖講定錢三千五百文葛精怪黃娜養共得錢二千五百文葛應彩得錢一千

文四十四年正月初六日葛精怪黃娜養在馬平縣盤龍村牽梁思廣水牯牛一隻事主央葛錦托葛應彩贖牛講定錢四千文葛精怪黃娜養共得錢三千五百文葛應彩得錢五百文正月十五日葛精怪黃娜養在馬平縣雙冲村牽鄧世枝沙牯牛一隻事主央葛應絀向贖講定錢四千五百文葛精怪黃娜養共得錢三千文葛應絀得錢一千五百文正月十九日葛精怪黃娜養在馬平縣小村牽何自明水牯牛一隻事主央姚英士向贖講定錢四千文葛精怪黃娜養共得錢三千文姚英士得錢一千文正月

二十六日葛精怪在柳城縣山腳村獨牽周朝慶水牯牛一隻事主央秦尚積議贖止肯出錢四千文葛精怪不依令黃娜養拉去賣與不知姓名人得錢六千文黃娜養分錢一千文餘錢五千文葛精怪收用二月十五日葛精怪黃娜養在馬平縣秦拱村牽張文德黃沙牯牛一隻事主央姚英賢向贖講定錢五千二百文葛精怪黃娜養共得錢四千二百文姚英賢得錢一千文二月二十日葛精怪黃娜養在馬平縣白露村牽秦有進水牯牛一隻事主央龍登任向贖得錢五千文葛精怪黃娜養二人均分二月

條例

刑部 乾隆四十五年

五

賊盜

二十二日葛精怪黃娜養在柳城縣青茅村牽王敏教黑沙牯牛一隻當經事主追問葛精怪堅不承認賣與不知姓名人得錢四千文葛精怪黃娜養二人均分王教具稟署柳城縣林令有案葛應科于乾隆四十三年十二月初十日偷竊王老四棉衣一件王老四趕討得贖錢一百文十二月二十二日葛應科又偷趕藍光案姆猪一隻事主與秦勇向贖得錢二千文又黃錫珠于乾隆四十三年正月二十六日偷竊伊外祖王國梅水牯牛一隻捏稱係黃娜養收留走失得贖錢一千五百文又究出葛秀山于四

十三年十二月初三日攔獲不知姓名逸賊所竊沈宗瑚沙牯牛一隻勒贖錢四千五百文以上被竊各案惟謝世澤王敏教被竊二案報縣其餘或因贓物無多或因耕種甚忙亦有畏懼賊匪強橫均未具報經馬平柳城兩縣訪查通報飭審茲據按察使審擬招解前來臣提犯覆加研鞫據各犯供認前情不諱再三嚴詰並無另有窩夥及竊劫別案似無通情將葛精怪黃娜養照白晝搶奪三犯例擬絞立決照例刺字葛應科葛應繩葛鳳青姚英士姚應賢擬遣沈祖應擬流黃錫珠葛應伸廖上錦擬徒葛秀山

條例

刑部 乾隆四十五年

賊盜

等分別擬以枷號杖笞等因具

奏前來查例以白晝搶奪三犯者擬絞立決等語今該撫既稱葛精怪糾匪疊竊並計各贓已至一百二十兩以上且均係明目張胆自晝夥竊事主尋查至村勒令取贖稍不遂意即行轉賣橫行鄉里為害閭閻已屬不法又倚恃武生葛應絙寺包庇縱容令人長懼不敢具控更為可惡此等惡賊實非尋常鼠竊狗偷畏人知覺者可比與白晝搶奪無異今先後共犯二十二案未便因從前尚未到官僅照積匪暨滿貫治罪黃娜養起初雖係聽從葛精怪糾約

入夥迨後牽趕牛馬羊隻銷贓分錢共二十一案同行助惡勒贖平分並無首從之別等語應如該撫所奏葛精怪除行竊總麻表兄何自信牛隻輕罪不議外應與黃娜養均照白晝搶奪三犯例擬絞立決該撫既稱葛應科雖正夥同葛精怪偷竊牛羊二次又代為銷贓分錢二次但該犯又獨自行竊王老四衣服藍光索猪隻並自認偷竊不知姓名人雞鴨不計次數實屬積匪葛應科合依積匪猾賊例仍發往伊犁等處給與兵丁為奴照例刺字已革武生葛應絙葛鳳青即葛應彩姚英士恃矜庇賊攬贖分贓

條例

刑部 乾隆四十五年

賊盜

以致各犯得以公然無異肆竊勒贖應與帮同攬贖分贓之姚應賢俱照為從例于葛精怪絞罪上減一等從重發往伊犁等處葛應鉅葛應彩姚英士俱係已革武生照例當差姚應賢係平人給與兵丁為奴等語查葛應鉅葛鳳青即葛應彩姚英士雖係已革武生但恃矜庇賊攬贖分贓即與賊匪無異應與姚英賢一例給與兵丁為奴該撫又稱沈祖應雖未造意同行分贓但明知葛精怪等肆竊勒贖窩留數載貪圖飲食即與分得些微財物無異沈祖應應照窩留積匪未經造意又不同行但分得些微財物者

減本犯一等治罪例于葛精怪絞罪止減一等杖一百流三千里至配所折責四十板黃錫珠除盜外祖王國梅牛隻例得減等免刺輕罪不議外其代葛精怪等賣半分贓二次即非善類但較葛應鉅等包庇攬贖有間應于葛應鉅等遣罪上量減一等杖一百徒三年至配所折責四十板歐陽村甲長葛應仲保長廖上錦均有稽查匪賊之責今明知葛精怪等倚恃武生葛應鉅等包庇縱容肆竊勒贖並不報官雖訊未得贓但縱惡養奸未便從寬應比照容留流棍發近邊充軍例量減一等杖一百徒三年至配

所各折責四十板葛秀山雖據供係見賊行竊沈宗珣之牛被伊截獲但無証據且以郎舅至親勒贖得錢卽與竊盜無異葛秀山應請照盜牛一隻枷號一個月杖八十例係無服之親律圖所載應減一等杖七十枷號二十五日滿日折責二十五板照例免刺失察黃錫珠爲賊之牌頭黃推生照例笞四十折責十五板甲長黃推茂保長黃廷發遞減折責發落均革役葛精督之父葛其邦雖久經將子驅逐但不行送官處治一任肆竊應與黃錫珠之父黃廷昌均照父兄不能禁約子弟爲竊笞四十例各折責十

五板歐世華訊非知情買贓葛錦秦尚積秦勇秦宗相秦尚卿龍登任因事主梁思忠等係伊等親友央令查贓向贖並無不合事主何自信廖妹田周朝慶梁思忠張文德韋神賢秦有進梁選梁卿何宏章唐神玉梁奇章梁思廣鄧世枝何自明王老泗沈宗珣王國梅藍光案失竊未報俱屬有因均毋庸議葛應科所竊雞鴨據供不計次數亦不知事主姓名無憑喚質毋庸議追買牛之不知姓名人并免查緝所有贖贖各錢及未獲各贓應於各犯名下照追給主其行竊沈宗珣牛隻逸賊緝獲另結等語查該犯

等事犯在乾隆四十五年正月初一日

恩詔以前除葛應科葛應矩葛鳳青卽葛應彩姚英士姚英賢均係發遣新疆之犯例不准援減外沈祖應所犯流罪黃錫珠葛應伸廖上錦所犯徒罪葛秀山所犯枷杖情罪較重俱不准其援減牌頭黃推生等五犯所犯笞罪應予援免仍革役再查說合贖贓之葛錦秦尚積秦勇秦宗相秦尚卿龍登任等六犯皆係事主親友明知賊情既不據實鳴官又復為之查贓向贖表裏為奸助賊獲利若不加以懲治則此種惡習澆風何由整頓應將葛錦等六犯應比

照為賊探聽事主消息通線引路者照強盜窩主不行又不分贓律杖一百流三千里減一等杖一百徒三年以示懲儆雖在

恩詔以前不准援減餘應如該撫所奏完結臣等伏查竊盜窩贓已久屢申厲禁各地方官尚知按例定擬其中復有此種匪徒知情串賊說合買贓逼勒事主取贖之事如此案之葛錦等皆事主之戚友明知竊情既不幫同鳴官反逼令事主出錢贖贓俾賊匪坐獲多利以致肆無忌憚深為民害臣等近日兩廣兩湖及貴州諸省屢有此種案情

條例

刑部 乾隆四十五年

賊盜

地方官不能早為禁止及事犯到官仍以為並無不合概不重治其罪遂致習慣成風接踵而起必須嚴加懲創以儆惡俗應請俟

命下之日移付律例館載入例冊遵照辦理並行文兩廣兩湖及雲貴各督撫飭令各地方官嚴行示禁再有犯案者皆照此案從重擬徒如有貪圖分肥但經得贓者不論多寡即照強盜窩主律杖一百流三千里不得姑息養奸庶惡習可以漸除而閭閻得以寧謐該撫又稱本案賊匪肆竊二十二案總緣地方官漫無覺察所致迨事主謝世澤呈

報到官復諱捏不報以致各犯又竊九案此等廢弛故縱非尋常諱竊可比所有諱匿職名係前署柳州府降調知縣舒德彰失察屬員諱竊知府職名係前任柳州府降調知府丁亭其王敏教失牛一案前署柳州府經歷林定已歸入本案具報諱竊失察職名應免開參其失察積匪職名係前署柳州府經歷譚應麒前署柳州府降調知縣舒德彰又失察武生包庇賊匪職名係柳州府經歷李治京柳州府經歷丁憂訓導黎卓仁又拿獲鄰境積匪二名以上職名係署馬平縣知縣黃大鵬相應

查明開報聽候部議等語應俟

命下之日臣部移咨吏部照例查辦

臣等謹會同都察院大理

寺合詞具

奏乾隆四十五年正月三十日隨報具奏二月初四日奉

旨葛精怪黃娜養俱著卽處絞餘依議欽此乾隆四十五年四

月二十五日浙省准咨

盜砍他人坟樹分別定罪

刑部爲通行事浙江司案呈本部奏前事一案相應抄單行文浙撫轉行杭州將軍乍浦副都統一體查照可也計

粘單內開謹

奏爲酌定條例界限以歸畫一事竊查刑名案件重罪固當

審慎卽輕罪亦宜詳定凡有例義渾舉未甚明晰以及不能包括者非顯爲分晰定以屆限辦理易滋游移卽因以生偏畸之弊臣等于辦事之次隨時理會見現行例內有

應增定條款俾畫一辦理以免高下之處謹開列具

條例

刑部 乾隆四十五年

賊盜

奏

一例載盜他人墳樹者杖一百枷號一個月計贓重者照本律加竊盜罪一等等語蓋民間墳塋樹木所以蔭覆墓域非三五十年七八十年不能培植成林一經砍伐栽培非易故定例有犯卽予枷責計贓重者加竊盜罪一等立法未嘗不嚴惟是竊盜有初犯再犯三犯之分其肆竊擾害者又有積匪猾賊之例而盜砍墳塋樹木條下未經註明向來辦理此等案件有連犯數次到官者乃有旬日之間連砍數家同時並發者雖亦視其情罪之輕重隨案加重

定擬然例無明文辦理易致參差臣等竊思竊物與竊樹

同爲竊盜竊物者患及其人而竊樹則殘及人之祖先物失猶可以復置樹失則難望長成是盜樹理不應輕于盜物也應請嗣後盜砍他人坟樹除犯案僅止一二次所竊株數無多者例照本例擬以枷責外如犯案至三次者卽照竊盜三犯本例計贓分別擬以流遣其糾黨成羣旬日之間叠次竊砍至六次以上而樹數又在二三十株以上情同積匪者無論從前曾否犯案卽照積匪猾賊例擬遣如連日竊砍在三次以上而始犯案者照積匪例量減擬

條例

刑部 乾隆四十五年

賊盜

徒仍各按竊盜本例刺字以上三條均屬常辦多有之件
原例未定界限辦理恐有舛誤臣等公同酌議核定章程
請

旨遵行恭候

命下載入例冊通行內外問刑衙門一體遵照等因乾隆四十
五年四月初七日發報具奏十一日奉

旨依議欽此乾隆四十五年五月十二日浙省准咨

積匪分別次數辦理

刑部為通行事浙江司案呈本部奏前事一案相應抄單
行文浙撫轉行杭州將軍乍浦副都統一體查照可也計
粘單內開謹

奏為酌定條例界限以歸畫一事竊查刑名案件重罪固當
審慎即輕罪亦宜詳定凡有例義渾舉未甚明晰以及不
能包括者非顯為分晰定以界限辦理易滋游移即因以
生偏畸之弊臣等于辦事之次隨時理會見現行例內有
應增定條款俾畫一辦理以免高下之處謹開列具

條例

刑部 乾隆四十五年

賊盜

積
奏

一例載積匪猾賊爲害地方不論會否刺字改發烏嚙木齊等處爲奴等語誠以竊盜結夥肆惡製備賊具穿穴踰牆貽害地方故于計贓論次定罪之外復設有積匪猾賊擬遣之條至積匪內情節稍輕則照例量減擬徒向來照此辦理惟是竊情輕重不同竊案多寡各異例內未經分晰註明是以外省間擬有行竊五六次卽照積匪例擬遣者亦有行竊七八次而照積匪例量減擬徒者各省均不畫一雖經_臣部俱斟酌連竊情形人數多寡隨時核覆但不

明定界限恐相沿日久易生高下其手之弊_臣等悉心酌議應請嗣後辦理積匪猾賊之案如係因竊擬流擬徒逃回釋回仍不悛改復連竊至三案以上又初犯再犯之賊如糾夥連次疊竊至六案以上者并雖未糾夥而疊竊在八案以上者均照積匪猾賊例擬遣其並未糾夥竊案數少而情節有類于積匪者卽照積匪猾賊例量減一等擬以滿徒其三犯及計贓重者仍按本例從重論以上三條均屬常辦多有之件原例未定界限辦理恐有舛誤_臣等公同酌議核定章程請

條例

刑部 乾隆四十五年

二

賊盜

旨遵行恭候

命下載入例冊通行內外問刑衙門一體遵照等因乾隆四十

五年四月初七日發報具奏十一日奉

旨依議欽此乾隆四十五年五月十二日浙省准咨

盜案踈限議處限期

命盜等項委審之案酌減例限

官員議敘議處彙題案件酌定限期

命案失物承緝處分

衙役滋事處分

吏部為請

旨事考功司案呈本部具

奏前事等因相應抄單移咨各督撫一體遵照可也計粘單

一紙內閣抄出大學士管理吏部事務公阿等奏稱乾

條例

刑部 乾隆四十五年

賊盜

隆四十四年十一月臣部奏請增改條例案內凡處分舊例中有輕重偏畸未盡允協以及相沿日久今昔異宜之處均應一體確核將應行酌改事案臣等陸續具奏請旨更定等因節經臣部酌擬具奏奉

旨依議欽此欽遵各在案今臣等悉心酌核現在復有應行增改各條臚列進

呈恭候

御覽如蒙

俞允臣部纂入例冊永遠遵行爲此謹

奏請

旨

一盜案踈防議處限期宜酌量變通也定例地方失事該督撫將該管各官題叅到部吏部不必具題將所叅各官停其陞轉俟兵部將武職核明具題到日照例議處推原例義原以防文武處分參差之弊但查文武處分則例前于乾隆三十四年欽奉

諭旨較核釐定各有專條自不致處分參差且查此等案件核計各督撫題到之日至兵部彙題奉

條例

刑部 乾隆四十五年

二

賊盜

旨知照之日相隔必須數月不惟部內積案繁多而應議各官反得藉緩時日干吏治殊無裨益臣等酌議請嗣後督撫題參地方失事各官吏部卽照例議處按月彙題一次無庸俟兵部核明武職再行查辦以歸簡易

一命盜等項委審之案宜酌減例限也查例載原問官審斷未當必應改委別員承審者將改委展限緣由咨部并具疏聲明等語是承審案件審斷未當不得不另派別員審辦卽不得予以展限惟是各省辦理審案竟有干審限將滿恐致逾違因改委別員以爲展限地步及改委之員又屆限滿復行改委以致審限屢展案件久懸且監犯患病及承審公出等日期上年欽奉

諭旨交部定議而改委例限尚未詳定章程仍恐不無藉端延展之弊臣等酌議請嗣後原問官審斷未當改委別員承審之案照接審官之例扣半給限如原限兩個月者止准一個月審解原限三個月者止准個半月審解如有逾違仍照原審官例議處至改委之員除陞遷事故并派委地方緊要事件照例許令另委外其無此等事故者卽不得另行派委如有明知屬員例限將滿故爲派委者卽照狗

庇例議處

一官員議敘議處彙題案件宜酌定限期也查臣部彙題事件有十日一月半年盜案之別每題一次計自一百件以上至二三百件不等其間行文付註冊繙清查抵加級紀錄各事宜層次繁多固不能不需時日但向未定有例限恐難免遲速不齊致生弊竇臣等悉心酌議嗣後彙題事件除堂畫小稿及繕本各限期仍照舊例外其彙辦行文行付註冊繙清查抵加級紀錄各事宜統限以三十日辦竣卽交與檔房繕本具題以杜延壓之弊

一命案失物承緝處分應申明刪定也查例載地方有受傷身死無名之人照命案緝兇例查議如日後查係盜殺仍照盜案例查叅又例載盜田野穀麥某某無人看守之物至拒捕傷人致死照命案例按限叅處等語嗣經兵部奏准嗣後凡地方命案除毫無失物者仍照舊辦理外倘有踈失情形無論多寡卽照盜案扣限題叅等因在案是命案盜案原以曾否失物爲分臣部現在辦理命案有失物者俱仿照兵部原奏駁令照盜案題叅但臣部又有盜田野穀麥拒捕傷人致死照命案緝兇之例恐外省率行援

引易致避重就輕之弊應請嗣後凡地方有受傷身死無名之人毫無失物者照命案緝兇外其受傷身死案內有失物情形者卽照盜案題叅以昭畫一所有臣部例載盜田野穀麥拒捕傷人致死照命案緝兇之例應請刪除衙役滋事之例宜類推增定也定例捕役叅竊分贓及革捕窩匪滋事地方官降二級調用等語查捕役滋事既有定例可循其衙役中快役皂役等項雖與捕役專緝賊匪者不同但均由本官差遣此外如總甲保正鄉約等類亦俱係在官人役遇有滋事不法等案地方官未便竟置不

議自應明定科條方足以示懲儆應請嗣後除捕役叅竊分贓及革捕窩匪滋事仍照舊例核議外此外各衙役有犯案滋事者將該管官照約束不嚴例降一級調用係已革衙役及總甲保正鄉約等項照失于查察例罰俸一年等因乾隆四十五年十月初九日奏本日奉

旨各省辦理地方公事向多推諉遲延而官官相護積習已深輒思代爲避重就輕自應明定例限以隨時整飭此次吏部所奏酌議盜案踈防等處分不得謂有意從嚴也俱著依議行欽此于乾隆四十五年十一月十九日浙省准咨

條例

刑部 乾隆四十五年

五

賊盜

於乾隆四十五年十一月十六日恭首欽咨

刑部核擬具奏欽此本部會同大學士吏部兵部院寺會
議得海鹽縣盜犯沈二觀等行劫事主鄭芳榮錢物一案

據浙江巡撫王 疏稱緣沈二觀同兄沈大觀搖船生理
乾隆四十三年十二月初四日有開京貨舖之鄭芳榮雇

等因詳到四十五年十月日奉本日奉
奉旨該部核擬具奏欽此
刑部核擬具奏欽此
刑部核擬具奏欽此
刑部核擬具奏欽此
刑部核擬具奏欽此
刑部核擬具奏欽此
刑部核擬具奏欽此
刑部核擬具奏欽此
刑部核擬具奏欽此
刑部核擬具奏欽此

聞拿投首發遣指行劫二次法無可貸言初次行劫例

止發遣聞拿投首於發遣本罪上減一等問擬

刑部為行舟被劫事浙江司案呈刑科抄出浙江巡撫王

題前事等因乾隆四十四年十月初五日題十一月初四

日奉

旨三法司核擬具奏欽此本部會同大學士吏部兵部院寺會

議得海鹽縣盜犯沈二觀等行劫事主鄭芳榮錢物一案

據浙江巡撫王 疏稱緣沈二觀同兄沈大觀搖船生理

乾隆四十三年十二月初四日有開京貨舖之鄭芳榮雇

伊等船隻欲至杭州買貨詎沈二觀貧難度歲知鄭芳榮赴杭買貨必有銀錢起意行劫因沈大觀素來畏事恐被阻止先不與商往糾堂兄沈大奇并熟識之徐大夏幅老入夥各皆允從約在徐大家會齊沈二觀隨另租周岐鳴農船同沈大奇搖至徐大門首令徐大沈大奇夏幅老坐駕說明在路以叫喊來船板搖爲號徐大等卽攏船行劫沈二觀回家與沈大觀先將已船搖至鄭芳榮門前停泊沈大奇等搖至事主對河泊住沈大觀見徐大等泊船在彼向沈二觀查問沈二觀告知行劫情由勸令入夥沈大

觀先不應允因沈二觀再三向說亦卽聽從是晚鄭芳榮將錢米衣箱等物搬運下船開行沈大奇等亦開船尾隨時鄭芳榮睡于艙內沈大觀搖船數里因瘧疾復發睡于艙上沈二觀獨自搖駕半夜時分搖至馬腰河地方沈二觀叫喊來船板搖沈大奇將船搖攏事主船旁徐大過船繫住船身夏幅老進艙將事主鄭芳榮連被兜頭拴住鄭芳榮叫喊夏幅老用言禁嚇不許聲張徐大進艙搬取錢物沈二觀亦至船頭幫同搬運沈大奇在已船接贓迨搬完贓物沈二觀仍至船艙夏幅老將事主釋放同徐大過

船開行沈大奇等將贓搖回徐大家收藏說明俟沈二觀
弟兄同來俵分沈大奇當即回家徐大同夏幅老私自開
箱取出銀三十兩均分初七日沈二觀沈大觀偕沈大奇
至徐大家將贓俵分而散事主報縣勘訊前縣張力行因
沈二觀弟兄避不到案情形可疑飭喚查訊沈大觀畏懼
即自行赴縣投首並先後緝獲沈二觀等起贓訊詳屢審供
認不諱贓經主認正盜無疑除應行擬斬之沈大奇已經
在監病故不議外將沈二觀徐大夏幅老均依律擬斬立
決聲明該犯均屬法無可貸沈大觀擬遣均照例先行刺

字沈立山等擬杖等因具

題前來除夥盜沈大奇已經在監病故不議外查律載盜劫
之案各該督撫嚴行究審將法所難宥及情有可原者一
一分晰于疏內聲明大學士會同三法司詳議將法所難
宥者正法情有可原者發遣等語今該撫既稱沈二觀起
意爲首徐大過船搜贓夏幅老檢住事主均屬法所難宥
應如該撫所題沈二觀徐大夏幅老均合依強盜已行而
但得財者不分首從皆斬律俱擬斬立決又該撫疏稱沈
大觀雖同行分贓但在本船並未幫同行劫且聞拿投首

沈大觀應照夥盜聞拿投首照未傷人之盜首聞拿投首
例發黑龍江等處給披甲人爲奴等語查例載夥盜行劫
二次以上聞拿投首照未傷人之盜首聞拿投首例發黑
龍江等處給披甲人爲奴又例載夥盜並未入室搜賍或
行劫一次情有可原者免死發遣又例載聞拿投首之犯
俱于本罪上減一等科斷各等語是夥盜聞拿投首發遣
之例原指行劫二次法無可貸罪應斬決而言今沈大觀
係初次行劫雖同行分賍並未幫同行劫係情有可原之
犯例止發遣其聞拿投首自應照例于發遣本罪上減一

等間擬今該撫將沈大觀仍擬遣罪與例不符沈大觀合
改依聞拿投首本罪上減一等例于本犯遣罪上減一等
杖一百徒三年至配所折責四十板該撫既稱沈二觀之
父沈立山夏幅老之父夏耕書訊非知情分賍均照父兄
不能禁約子弟爲盜例杖一百周岐鳴租給沈二觀船隻
並不知情應免置議餘無同居親屬知情分賍捕保亦非
得規容隱均毋庸議已起之賍給主收領未起之賍同當
本仍于各犯名下照估追賠租船錢文及沈二觀盜船查
追估變入官周岐鳴租給之船既不知情應行給還等語

均應如該撫所題完結再該撫疏稱此案前任海鹽縣現署平湖縣知縣張力行于踈防限內將首從各盜全行拿獲例得免叅踈防海鹽縣典史張燦文監斃盜犯沈大奇一名例得免議等語查定例盜犯取供審明後在監病故四人以下者管獄官免議等語除此案首從各盜已干限內全行拿獲文職踈防職名應免其開叅監斃盜犯之海鹽縣典史張燦文僅止一名例無處分毋庸議外再查此案夥盜沈大觀自行投首律應擬徒該撫仍擬遣罪今刑部改正其承審之州縣審轉之知府例有處分應令該撫

查取職名咨送吏部查議至此案盜犯係文職差役緝獲武職並未協拿仍應照例酌減議處應令該督查取武職尚兼各職名聲明失事地方有無墩舖防兵叅送到日兵部再行辦理等因乾隆四十四年十二月初九日題十一旨沈三觀徐大夏幅老俱著卽處斬餘依議欽此相應行文該撫欽遵查照施行乾隆四十五年正月初九日浙省准咨

內閣抄出六月十九日奉

旨已巡三奏拿獲匪徒多案有請將該匪首與之海洋盜犯均

刑部

乾隆四十五年

強盜

南等審擬分別斬決梟示一摺已批交三法司核擬速奏海
洋大盜雖常有未若此案盜犯于洋面屢行搶劫及至官兵
往捕盜犯韓廣石竟敢用鎗抵拒將把總譚瑞昌鎗傷墮海
兵丁陳元秀等戮傷落水淹溺情罪重大非尋常江洋大盜
搶劫傷人者可比此等為首盜犯竟應從重問擬凌遲其親
屬亦應發遣以昭懲儆其把總譚瑞昌兵丁陳元秀等奮勇
捕賊受傷淹斃應照出兵陣亡例賞卹著該督查明辦理至
該犯等先在沙灣河面見有雙桅舊船即起意料買修理偷
越出口已屬人所共見而摺內復稱原籍牌頭保甲無從覺

察均毋庸議辦理尤為未協至失察私藏軍器及偷漏出口
之疎防文武各員雖係聲明除此案拿獲各犯出力之兵弁
仍著加恩獎賞外巴延三到任未久此次姑寬其處分章紳
著交部嚴加議處其未獲各犯著該督撫等嚴飭躡緝尅期
務獲歸案嚴辦其沿海省分並著各該督撫等實力稽查遇
有此等案件即照此辦理並將此通行各省沿海地方出示
曉諭俾匪徒咸知警惕而出力官兵有所勸勉再此案係本
年二三月間之事且糾眾至八十七人之多又復拒傷官兵
不法已極何以李頤穎署總督時僅飭查拿並不據實奏報

著李質穎明白回奏摺併發欽此等因乾隆四十五年七月

二十日浙省准咨

乾隆四十五年二月十四日恭逢

恩赦江浙安徽三省一切尋常軍流以下人犯分別減免發

落

刑部為通行事浙江司案呈准江蘇司傳抄內閣抄出乾

隆四十五年二月十四日奉

上諭朕鑿輅時巡乘春行慶而清理庶獄矜恤尤深用沛德音
式敷愷澤所有江蘇安徽浙江三省恩詔後軍流以下人犯
俱著加恩各予減等發落用昭肆育施恩至意欽此欽遵于
二十一日抄出到部仰見我

條例

名例 乾隆四十五年

皇上稽古省方

恩膏疊沛

恩綸之覃被如春億兆之歡騰載路前奉頒發

恩詔條款各直省軍流以下人犯已蒙

皇仁俱著減等此次

巡幸江浙所有該三省

恩詔後軍流以下人犯又荷

聖慈矜全誠格外之

殊恩難邀之

曠典恭照乾隆二十七年三十等年

皇上巡幸江浙欽奉

恩旨軍流以下人犯各予減等發落經

臣

部奏明除叛逆緣坐

強盜免死發遣家奴喫酒行兇棍徒生事擾害用藥逃拐

子女開竈誘賣為從并例應給披甲人為奴及擬遣之積

匪猾賊搶竊滿貫及三犯竊盜擬絞緩決減等及偷創人

參私鑄十千以上為從不及十千為首并擬遣新疆以及

由新疆改發內地等項人犯俱屬情罪較重不在減等外

其餘尋常軍流以下人犯一概分別減免等因具

奏奉

旨依議欽此欽遵在案今恭奉

恩旨應請仍照乾隆三十年之例除緣坐等項情罪較重人犯毋庸查辦再改發新疆人犯俱屬情罪較重亦毋庸查辦外其江蘇安徽浙江三省一切尋常軍流遣犯并犯該發遣黑龍江寧古塔及雲貴兩廣人犯不在前議條款之內者情罪與軍流相等事犯在

恩旨以前應請一體減為杖一百徒三年徒罪人犯概減為杖一百雜犯准徒總徒人犯遞減一年已經到配决杖徒犯

即行釋放逃徒并免緝拿枷杖人犯俱行寬免應刺字者並免刺字應追贓者仍行追贓其應減軍流遣犯內已犯未審已審未結已結未解及已經起解計其程限尚未到配者均照例准其會

赦減等再江浙之人有在他省犯案遞回原籍追贓發配者今既在籍適逢

恩旨亦應一體准其減等其他省之人罪犯軍流遞發江浙者與江浙之軍流不同未便濫邀

曠典至該三省題咨到部尚未核覆及嗣後到部之案核其事

條例

名例 乾隆四十五年

犯在

恩旨以前查與

赦款相符者臣部隨案聲明分別減免俟

命下之日臣部行文各該督撫遵照辦理謹將辦理緣由先行

恭摺奏

聞乾隆四十五年三月初五日奏本日奉

旨知道了欽此等因于乾隆四十五年四月初八日浙省准咨

江洋大盜屢行搶劫復拒捕致斃弁兵從重問擬凌遲

並將親屬發遣為奴

刑部為通行事浙江司案呈在廣東司傳抄軍機處交出

兩廣總督覺羅巴 奏番禺縣盜犯胡友南等至新寧黃

茅洲洋面屢次行劫拒捕殺傷官兵審擬一摺乾隆四十

五年六月十九日奉

硃批三法司核擬速奏欽此又奉

上諭巴延三奏拿獲肆劫多案拒捕殺傷官兵之海洋盜犯胡

友南等審擬分別斬決梟示一摺已批交三法司核擬速奏

條列

刑部 乾隆四十五年

賊盜

海洋大盜雖常有未若此案盜犯于洋面屢行搶劫及至官兵往捕盜犯韓廣石竟敢用鎗抗拒將把總譚瑞昌鎗傷墮海兵丁陳元秀等戮傷落水淹溺情罪重大非尋常江洋大盜搶劫傷人者可比此等爲首盜犯竟應從重問擬凌遲其親屬亦應發遣以昭懲儆其把總譚瑞昌兵丁陳元秀等奮勇捕賊受傷淹斃應照出兵陣亡例賞卹著該督查明辦理至該犯等先在沙灣河面見有雙桅舊船卽起意糾買修理偷越出口已屬人所共見而摺內復稱原籍牌頭甲保母從覺察均毋庸議辦理尤爲未協至失察私藏軍器及透漏出

口之疎防文武各員雖係聲明照例查叅究係該督提等平日不能整飭弁兵實力巡查所致除此案拿獲各犯出力之兵弁仍著加恩獎賞外巴延三到任未久此次始寬其處分章紳著交部嚴加議處其未獲各犯著該督撫等嚴飭緝緝尅期務獲歸案嚴辦其沿海省分並著各該督撫等實力稽查遇有此等案件卽照此辦理並將此通行各省沿海地方出示曉諭俾匪徒咸知儆惕而出力官兵有所勸勉再此案係本年二三月間之事且糾衆至八十七人之多又復拒傷官兵不法已極何以李質穎署總督時僅飭查拿並不據實

奏報著李質穎明白回奏摺併發欽此欽遵於二十二日寄送到部臣等除一面飛咨調任浙江巡撫李 遵

旨明白回奏外該臣等會議得兩廣總督覺羅巴 奏稱據瓊

州鎮呈報乾隆四十五年二月二十九日夜二更時候有海賊數十人擁入北黎市行劫稅館并容民梁興堂張可思各雜貨舖銀錢衣物等情又據署海安營遊擊劉國倫稟據中軍守備張顯琮稟稱巴總譚瑞昌管駕安字第一號快漿船一隻配兵三十名分巡本管洋面于三月初四日午時巡至關滯尾洋面見有賊匪紅頭小船一隻幫同

大齊桅船一隻駕駛當卽督兵放鎗砲捕捉賊船從上風揚灰官兵趕近把總譚瑞昌執刀砍賊被賊鎗傷墮海兵丁陳元秀亦被傷落水淹溺兵丁林上進等均各受傷落水各盜復將營船桅篷炮械各物毀棄林上進等遇救得生等情查賊匪糾夥多人攜械聯踪肆行劫掠復在洋拒捕傷斃官兵兇橫已極當卽札司飛速移行沿海文武員弁嚴拿各兇盜務獲解省審辦前署督臣李 提臣章紳亦經嚴飭查拿去後旋于三月十九日據署香山縣知縣吳光祖稟報遇差會同營員僱覓漁船改裝出海在東洲

洋面遇見匪船協力追捕至獨子洋面匪船放鎗拒捕弁兵施放火箭燒著賊船賊人陸續赴水逃走捉獲賊匪胡友南等三十六名盜船一隻等情據香山協施國麟報同前由又據順德協具報該協千總高英華駕船協捕于水面撈獲蘇亞調等十二名左翼鎮具報千總何剛撈獲梁才傑等十名各等情當卽飭行按察使飛提各該犯到省嚴行審辦去後茲據審擬解勘前來緣胡友南籍隸番禺縣貧不守分乾隆四十四年十二月內該犯在邨外撞遇熟識現獲之古遂有曹高遠已死之曾亞學坐地喫烟共

談貧苦曾亞學聲言沙灣河面有雙桅船一隻船身朽舊貼字變賣起意糾人承買修理出洋行劫得贓分用胡友南等應允約計船隻工價并預備柴米等共需番銀二百餘圓議定伊等四人做大股另外糾人做小股大股每人出番銀六圓小股三圓將來劫得贓物大股加倍俵分計議停安隨各分頭糾夥胡友南糾得現獲之古亞進胡亞實黃聚祥梁亞逸蘇亞宇蔣作信胡際得未獲之曾貴南胡江敬九人曾亞學糾得現獲之胡際彥胡亞篇邱貢儀邱調波黃亞正龐亞三蘇亞柱邱亞潮張時豐未獲之胡

秀南胡江陵十一人古遂有糾得現獲之李亞會梁亞明
戴亞五區齊興未獲之陳亞寬邱采兼邱茂興梁亞利黃
賢江郭作尚十人曹高遠糾得現獲之韓廣石梁志剛未
獲之莫紹開三人李亞會轉糾現獲之黃瓊耀未獲之古
亞聚二人胡江陵轉糾現獲之梁才傑張瑞與郭桂芳高
亞住胡廖興五人郭作尚轉糾現獲之黃秀山高顯佐會
舖全江文宙會華方邱志俸六人會貴南轉糾現獲之胡
亞福莫奇達未獲之黃達興戴亞德四人胡際德轉糾現
獲之邱茂賢未獲之黃亞權劉八叔卽劉燦榮三人胡江

敬轉糾現獲之郭東就未獲之曾亞章張達公江應添四
人黃賢江轉糾現獲之黃亞力杜潮敬羅亞有三人梁亞
利轉糾現獲之梁亞伍未獲之郭學純卽郭正就胡國儀
曾亞揚何成泰郭亞連梁振雄胡亞海卽胡際華邱拜儀
九人胡秀南轉糾現獲之胡程稔胡際豐張華德胡良遇
胡亞志李齊煜孔亞新孔亞富麥亞順九人黃瓊耀又轉
糾現獲之陳亞九未獲之黃奇亮簡亞丕梁尚郁曾亞篇
五人通共八十七人連大小股共出番銀二百七十三圓
俱交曾亞學收用除買船隻及修整工料二百圓尚剩七

江
十三圓乾隆四十五年正月初十日曾亞學將船隻修竣
買備柴米蔬菜知會眾人定于十五日晚在土名高沙尾
僻地下船曾亞學又捏稱出海捕魚誘僱蘇亞調孔亞洪
郭彥富在船炊爨至期莫紹開梁亞利因家中有事不能
同去餘俱齊集曾亞學等將平日充當更夫存留烏鎗藥
角牌刀乘夜搬運下船古遂有等亦將防夜刀叉鎗棍及
應用斧鑿器具搬至船內蘇亞調孔亞洪郭彥富窺破盜
情欲上岸逃走曾亞學用言嚇住十六日早陳亞九掌舵
卽在高沙尾開行由土名寧州沿邊偷越出口二十一日

至新寧黃茅洲洋面遇見小料船一隻各犯將船駛近韓
廣石用鈎篙鈎住事主船邊古亞等用手扳住蘇亞調孔
亞洪郭彥富驚慌躲避入艙胡江陵等在本船接駐胡有
南古遂有曹高遠韓廣石張達公胡秀南曾亞學胡際得
梁志剛郭桂芳黃瓊耀各拿刀械過船事主船戶畏懼避
入船尾各犯搜劫衣服銅錢鹹魚鐵旋各物回船二十二
日船至新寧平洲洋面又遇茶趙船一隻各犯將船攏近
胡際彥用鈎篙鈎住事主船邊郭作尚等用手扳住高顯
佐等在本船接駐古遂有曹高遠曾亞學胡友南韓廣石

胡際得梁志剛郭桂芳黃瓊耀張達公胡秀南各持刀械
 過船劫得衣服被褥皮領皮帽米包木椗各物回船二十
 七日在徐聞三塾外洋遇見尖頭船一隻黃達興用鈎篙
 鈎住事主船邊胡亞篇等用手抄住古亞進等在本船接
 贓曹高遠古遂有胡友南韓廣石曾亞學胡際得梁志剛
 郭學純胡江陵郭桂芳黃瓊耀過船劫得錢米鞋帽各物
 回船三十日在瓊州紅山灣洋面行劫雙桅客船一隻係
 曾貴南用鈎篙鈎住事主船邊黃賢江等用手抄住麥亞
 順等在本船接贓胡友南曾亞學古遂有曹高遠黃瓊耀

郭桂芳梁志剛胡際得韓廣石郭學純何成泰劉八叔胡
 亞海過船劫得衣服細布包頭銅鑼紅棗各物回船二月
 初一日下午船至瓊州新英港洋面遇見紅頭柴船一隻
 各犯因船上乏柴炊爨隨卽趕近事主驚慌棄船下三板
 逃走上岸各犯將柴火搬取過船查看船內止有破衣及
 零星食物胡友南等因盜船人衆分坐兩船各得寬展隨
 命胡江陵胡際得羅亞有黃亞力江文宙曾亞章何成泰
 黃賢江梁亞位九人分坐柴船將兩船用繩縛住同行二
 月初三日至安南新洲夷洋遇見客船一隻隨卽趕近胡

條例

刑部 乾隆四十五年

賊盜

左南古遂有張達公江應添梁振雄韓廣石胡際得梁志剛郭桂芳黃瓊耀曹高遠過船劫得衣服餅糖柿餅茶葉各物回船初十日在安南洲尾夷洋遇見尖頭番子船一隻又經趕近古遂有胡友南曹高遠曾亞篇梁振雄梁尚郁張達公梁志剛黃瓊耀胡際得韓廣石過船劫得鉛錢綉裙包頭花簪銀髹椰子回船因船上淡水用完于是日下午攏近尖筆羅地方上岸取水偷摘夷地瓜果數捆回船駛出洋面等候多日未遇客船于二十九日駛回感恩北黎港洋面灣泊陳亞九胡江陵張達公黃奇亮坐駕腳

船至北黎街探聽知有稅館店舖可以行劫回船告知眾人因大船不能攏岸于二更時候留戴亞五胡亞實郭東就杜潮敬黃達興曾貴南劉八叔看守大船并管束蘇亞調孔亞洪郭彥富不許私逃胡友南等持械坐駕柴船由四更塾海邊登岸走至北黎街派古亞進等在外把風接駐張達公用木棍撬開梁興堂雜貨舖內同胡友南韓廣石胡秀南陳亞寬胡際得梁志剛黃瓊耀郭桂芳曾亞學胡國儀曾亞揚古遂有曹高遠進舖撬開木櫃搜掠銀錢衣布交古亞進等接運回船各犯復至清書吳斌稅館踢

條列

刑部 乾隆四十五年

賊盜

開大門進內撬開房門箱篋劫得銀錢差票交古亞進等
接收時有舖戶張可思聞聲看視各盜乘機擁進撬開木
櫃搜掠銀錢衣布因行走匆忙遺落尖刀一把番燭半截
各犯分攜贓物回船點明將差票丟棄因大船已經堆有
贓物恐得駕駛行劫止將銀兩銅鑼并張達公揀取紬緞
袍褂各一件攜過大船餘俱留貯柴船連夜開行三月初
一日在崖州三亞港東場灣外洋行劫客船一隻得衣服
銅錢猪隻各物初二日在昌化船篷石洋面行劫尖頭一
隻得衣服皮桶帳被錫器各物初三日又在昌化船篷石

洋面行劫紅螺船一隻得銅鑼銅錢銅鼓各物三月初四
日午後回至徐聞關濶洋面適有海安營把總譚瑞昌帶
兵三十名駕船遊巡至彼瞥見賊船隨令各兵施放鎗炮
打傷賊犯曾亞學右脇并胡亞篇頭上胡友南古遂有曹
高遠韓廣石等兜取竈灰從上風拋揚圖逃官兵眼目把
總譚瑞昌手執牌刀站立船頭向砍韓廣石被韓廣石用
鎗戳傷落水溺斃各兵向捕古遂有用鎗戳傷兵丁陳元
秀下海溺斃胡友南同曹高遠簡亞丕梁尚郁胡際得梁
志高郭桂芳黃瓊耀張達公梁振雄曾貴南胡江敬等亦

條列

刑部 乾隆四十五年

賊盜

江
將兵丁林上進等砍傷落海俱各浮水遇救得生胡友南等各過營船將桅篷等物毀損砲械櫓槳丟棄下海攫取火藥藥角鐵砂九龍皮袋等物回船當卽開行其營船隨卽漂沉初六日曾亞學傷重身死各犯將屍丟棄下海次日午後行至琵琶洲洋面胡江陵等俱過大船食飯因海面突起狂風將纜繩擊斷柴船隨風漂沒各犯欲顧大船救護不及初八日回至東洲門洋面灣泊歇息比感恩縣及海安營員將被盜及傷死官兵緣由先後具文通報經臣飛飭嚴拿先經廣州府知府李天培訪得東洲門一帶

洋面有盜船遊奕密飭署香山縣知縣吳光祖多僱漁船知會香山協副將選撥弁兵差役備帶器械改裝前往緝拿三月十七日香山協把總汪亮外委郭韜帶領兵役緝至該處瞥見盜船飛掉擒拿時番禺縣差役亦駕船趕至胡友南等當卽駕駛逃走弁兵施放鎗炮追拿胡友南等亦放鎗抵拒追至獨子洋面汪亮郭韜船隻追近與兵丁郭瑞用火箭射燒賊船風篷火星墜落燒燃艙內藥罐風發火烈賊犯麥亞順黃瓊耀梁才傑等均被燒傷各盜難以安身曾貴南等取銀赴水逃走弁兵過船捉獲胡友南

等三十六名時順德協千總高英華亦駕船追至于水面
 撈獲蘇亞調等十二名左翼鎮千總何剛亦駕船撈獲梁
 才傑等七名復督同外委黃振高撈獲梁亞位等三名餘
 犯被水淹沒臣據報即飭將現獲各犯先後押解赴省該
 縣吳光祖復會同營員點明賊船賊械列摺稟報前來隨
 委令廣州府等審據各盜犯供認行劫并究出曹高遠先
 于乾隆四十二年九月二十九日夜聽從已正法之盜首
 尹啟明行劫南海縣楊敏思當舖又于十二月十九日夜
 聽從尹啟明行劫順德縣連續藻當舖該犯俱入室搜贓

查與原案吻合臣率同司道親訊之下據胡友南等將起
 意糾夥出洋行劫及拒捕傷死官兵各情供認不諱此案
 贓經現獲正盜無疑將胡友南等七犯依例立斬梟示聲
 明恭請

王命先行正法古亞進等四十七犯均依例擬斬立決梟示蘇
 亞調等三犯從重發往烏魯木齊給與種地兵丁為奴均
 照例先行刺字逸盜胡秀南等二十九名有無被水溺斃
 及臨時不行之莫紹開等三名均俟確查緝獲另結等因
 具

條列

刑部 乾隆四十五年

賊盜

奏前來查例載江洋行劫木盜照嚮馬強盜例立斬梟示又強盜殺人斬決梟示又盜劫夥犯如被人誘脅隨行並無兇惡情狀者仍以情有可原免死發遣各等語除會亞學已被官兵鎗傷身死毋庸議外查此案盜首胡友南起意糾夥行劫曹高遠係屢次行劫之逸盜韓廣石等拒捕致斃弁兵每遇行劫無不持械過船情罪重大誠如

聖諭非尋常江洋大盜搶劫傷人者可比竟應從重問擬凌遲其親屬亦應發遣俾沿海惡匪咸知懲創今該督將胡友南曹高遠韓廣石胡際得梁志剛郭桂芳黃瓊耀業已擬

斬立決梟示恭請

王命先行正法應仍令該督將已經正法之胡友南等七犯及在監病故之古遂有屍身剉碎以彰

國憲並查明各犯親屬發往新疆給披甲人為奴其隨同行

劫之古亞進胡亞寶黃聚祥麥亞順高顯佐蔣作信李亞

會梁亞明戴亞五孔亞新梁才傑張瑞興梁亞逸蘇亞宇

高亞住胡慶興黃秀山曾舖全江文宙曾華芳邱志俸胡

際彥胡亞篇邱貢儀邱調波黃亞正龐亞三蘇亞柱邱亞

潮張時豐胡亞福莫奇達邱茂賢郭東就黃亞力杜潮敬

條例

刑部 乾隆四十五年

賊盜

梁亞位胡陳稔胡際豐張華德胡良遇胡亞志孔亞富陳亞丸羅亞有區齊興李齊煜等四十七名糾黨肆劫目無王法均應如該督所奏合依江洋行劫大盜照响馬強盜例立斬梟示至蘇亞調孔亞洪郭彥富係被曾亞學捏稱捕魚誘僱到船道看破匪情即欲逃走復被曾亞學嚇禁及羣盜屢次行劫拒捕官兵該三犯俱畏懼躲在船底並未隨同助力亦未分受贓物但久匿盜船代為炊爨未便輕縱蘇亞調孔亞洪郭彥富亦應如該督所奏照免死減等例從重改發烏魯木齊等處給種地兵丁為奴照例刺

字逸盜胡秀南等二十九犯有無被水溺斃并臨時不行之莫紹開梁亞利應令該督嚴飭緝拏期務獲歸案完結至該督聲明該犯等在外行劫原籍牌頭保甲無從覺察均毋庸議之處查各盜糾夥買船偷越出口已屬人所共見原籍牌甲竟以無從覺察免其置議殊屬輕縱應令該督查明照例治罪報部該督又稱各犯止曹高遠先經行劫二次餘無搶劫別案亦無同居親屬知情分贓各犯父兄不能禁約子弟為匪查明照例責懲感恩舖現存之贓及營船內火藥器具分別給主移營未獲之贓于各犯

條例

刑部 乾隆四十五年

賊盜

名下查產變賠船內起存贓物查主認領行劫夷船贓物與各盜衣服盜船變價入官盜械移營改充軍器零星什物銷燬把總譚瑞昌兵丁陳元秀屍身及柴船被風贓物有無廳流入境飭行沿海文武查報漂沉營船如于盜產變賠不敷查明失察之文武各員分賠趕造巡哨新寧徐開崖州昌化各失事處所是否外洋抑係內洋事主有無具報與失察私藏軍器失察出口文武各職名俱俟查明另詳請叅各盜行劫感恩北黎街吳斌稅館及梁興堂張可思各雜貨舖并拒捕淹斃海安營官兵掠取各物二案

應飭依限查叅疎防又行劫安南新州夷洋客船及行劫安南洲尾夷洋番子船二案俱屬夷洋例無開叅毋庸查取職名監斃斬犯古遂有一名之管獄官職名例免開報把總譚瑞昌兵丁陳元秀因公殞命應查明親屬量予卹卹再查粵東地方在在通海盜賊出沒無常雖有巡船分布會哨而洋面寬濶匪船尤多狡黠窺見巡船卽行遠颺伺隙仍出爲匪且港汊多岐巡防偶疎卽行偷越殊爲可恨臣現與提臣章紳密飭地方會同營員僱募商魚船隻撥派弁兵改裝易服四出偵緝務令盜匪屏迹以清洋面

條例

刑部 乾隆四十五年

賊盜

並于各要隘口岸添撥弁兵嚴密稽無使稍有越逸如再
 有失事卽查明盜船出口地方將該管弁兵嚴行叅處等
 語查把總譚瑞昌兵丁陳元秀等奮勇捕賊受傷淹斃均
 係因公殞命應令該督欽遵

諭旨查明照陣亡例賞卹餘均如該督所奏辦理俟

命下之日臣部移咨吏兵工三部照例查辦並遵

旨通行沿海省分各督撫等實力稽查遇有此等案件卽照此
 辦理并出示曉諭俾匪徒共知儆惕而出力官兵有所勸
 勉臣等謹會同都察院大理寺合詞具

奏等因乾隆四十五年六月二十五日隨報具奏二十六日
 奉

旨胡友南曹高遠韓廣石胡際得梁志剛郭桂芳黃瓊耀業經
 斬決梟示古遂有業經在監病故俱著仍剉屍示衆各犯家
 屬俱著發往新疆給披甲人爲奴古亞進胡亞實黃聚祥麥
 亞順高顯佐蔣作信李亞會梁亞明戴亞五孔亞新梁才傑
 張瑞興梁亞逸蘇亞宇高亞住胡慶興黃秀山曾舖全江文
 宙曾華芳邱志俸胡際彥胡亞篇邱貢儀邱調波黃亞正龐
 亞三蘇亞柱邱亞潮張時豐胡亞福莫奇達邱茂賢郭東就

條例

刑部 乾隆四十五年

五

賊盜

所藏
圖書

